

重刊道藏輯要

元始无量度人上品妙經卷之六

太一神變五福護國禳兵品

道言昔於始青天中碧落空歌大浮黎土受元始度人太一神變妙品元始天尊當說是經周迴十過以召十方始當詣座天真大神上聖高尊妙行真人三元太一真君九宮八史靈圖玉局大神無鞅數眾乘空而來九光泛駕紫霄薦芷綠煙裊香丹鳳雲輿班龍寶輦雕輪層蓋注玉凝輝綵彩爭華仙雲呈麗洞照八極九日九夜諸天神嶽靜布靈風蕩除纖翳廓清區海澄覽太和一國地上山川林木芳潤等齊碧霞回宛周視寥虛妙

道藏輯要

度人妙經

一

角集二
X 百 X

光同色眾真侍座元始天尊立坐空浮玉京金梁八風浮臺雲珠寶構曲晨萬龍天德之座說經一徧諸天大聖同時稱善是時混沌營胎自無成有說經二徧太一稟生狀如蓮葯說經三徧含華吐蕊真氣流虹說經四徧九色雲芽逆勾爲甲說經五徧太一居中外羅八景說經六徧玄液同滋元氣內輔說經七徧天嬰七竅開爽能聲說經八徧人物出胎太一仰視說經九徧太一試步九宮旋行說經十徧身御錦衣手持玉式是時一國是男是女欣覩天尊演示太一神變道機元宗降福度人冥信歸誠皆受濟護咸得長生

道言是時元始天尊說經一徧東方三元太一慶生真君至真

大神無軼之眾浮空而至說經二徧南方三元太一廣明真君
至真大神無軼之眾浮空而至說經三徧西方三元太一神虎
真君至真大神無軼之眾浮空而至說經四徧北方三元太一
隱道真君至真大神無軼之眾浮空而至說經五徧東北三元
太一鬼策真君至真大神無軼之眾浮空而至說經六徧東南
三元太一本生真君至真大神無軼之眾浮空而至說經七徧
西南三元太一坤母真君至真大神無軼之眾浮空而至說經
八徧西北三元太一大老真君至真大神無軼之眾浮空而至
說經九徧上方三元太一天呱真君至真大神無軼之眾浮空
而至說經十徧下方三元太一地齒真君至真大神無軼之眾

道藏輯要

度人妙經

二

角集二
又文川

浮空而至十徧周竟十方三元太一真君無軼之眾一時同至
一國男女傾心歸仰來者皆從上元九宮太一真君中元九宮
太一真君下元九宮太一真君三元每宮太一各變三宮於其
三宮又變九宮九宮之內每宮九宮九九各變八十一宮太一
居中十方太一垂光度人是諸天人咸詣元始瞻聽大法眾不
可計侍從三元太一真君雲填海赴滿餘一國聖地震動觀闕
傾搖晃耀無極不可禁止於是元始不起於座上攀玉綱手把
大魁忽從空落天人遠矚華蓋燦然萬寶縈結惟見斗口元魁
墜空六炳昭列碧影之間圓映金色熠熠吐霞如火聚其中
有太上真君金牀玉帳紫繡錦裙項負九色手持星珠瑩煥瓊

都天尊顧視天人宣告無鞅乃曰三元九宮太一真君各乘宮
室神變福祥在人身中號中黃太一冥處玄丹今作神變降道
元魁遐想玉城未逾方寸我以神力无量度人太一變身同我
說法於是元始登引天真大神上聖高尊妙行真人十方无極
三元太一真君至真大神無鞅數眾俱入元魁之中天人仰看
惟見勃勃從魁星中入既入星宮不知所在國人廓散地還平
正無復欬震元始卽於星宮之內說經都竟眾真監度以授於
我當此之時喜慶難言法事粗悉諸天復位倏歟之間寂無遺
響是時天人遇值經法普得濟度太一神變隨運降福全其本
年不有害傷傾土歸仰咸悟道心無難無兵無饑無病無暴無
敬皆得度世

道藏輯要

度人妙經

三

角集二

天無變無刑無畏無驚言符休應口饒善聲齊同慈愛異骨成
親國安民豐欣樂太平經始出教一國以道預有至心宗奉禮
敬皆得度世

道言元始天尊說經中所言並是三元太一內名隱韻之音亦
是九宮內諱百靈之隱名也非世上之常辭上聖已成真人通
玄究微能悉其章誦之十過太一下觀三元鼓節天輪錯翠地
局界金日月合璧星宿連珠河漢揚清山嶽巖峙靈風蕩虛萬
穴吹籟移綱轉機化職自行羣魔東形鬼精滅爽迴屍起死白
骨成人太一之福滅而更生至學之士誦之十過則五帝仗鉞
三元命旛太一乘車周臨八埏福從氣行萬道克先斷除不祥

災饑播遷魔鬼掃迹幽爽升仙君德所加慶配億年神威無方
位居綱前疾病垂死遇而能全所以爾者學士候氣待時太一
命真以制十方威攝萬天伏御地祇束縛魔靈辟災卻死脫難
就生太一神文變化回靈輕誦此章身則被殃供養尊禮門戶
興隆世世昌熾與善因緣萬災不干太一守門斯經尊妙獨步
玉京度人無量爲萬道之宗巍巍大範德難可勝

道言凡誦是經十過當知太一神變之道夫三元二十七宮天
元人元地元三部各有太一真君主之隨九氣九星九宮之色
各以定世之禍福濟時衛世護國保君使帝壽永隆天象共泰
乃太一之玄功

道藏輯要

度人妙經

四

角集二

八日人

天之九宮北帝居東北遊樞東育生東南望黎南朱陵西南女
房西皓清西北虛微中黃靈其太一曰古蒼竹字冥由紫儀九
首白旗定嘉速吉兵囚

人之九宮北道玄東北吐魂東嬰兒東南鬼都南火山西南虎
身西熊女西北乾父中福堂其太一曰長生帝康伯輪臣斧玄
圖九殺丹精七甲人母

地之九宮北玄室東北蒼提東玄青東南宜明南赤兵西南將
印西伏殺西北道京中普登其太一曰玄虎綠齒披髮九身青
蛇白蒙血噬狔奴孟錚三元之隱名與世所稱異其道甚祕中
宮五福之庭土神之精上爲天皇中爲太一下爲玄一在學道

者身爲帝所而思之爲玄一得其道者以一爲萬以萬爲一通變化知生根壽而不死長生仙也

五土之氣爲帝主福故四十五年而遷其室居北者九年而遷居西南者十八年而遷居東者二十七年而遷居東南者三十六年而遷居西者六十三年而遷居東北者七十二年而遷居南者八十一年而遷遷不背逆下無臨制上無刑剋則災害不生日享太平或履非其位遇非其時上下不相得則隨宮爲蠱其災眚亦繫道德之所致也能說是經則太一回旗使者執節召福致氣不戰而勝兵道大利吉歸帝尊與天齊年太一神變難可詳知太一者三元之貴神以福人君者也其變無常知之

道藏輯要

度人妙經

五

角集二

壽無紀極道德來備太一之氣朝變爲慶雲中變爲重輪暮變爲流金星光夜流丈餘者是也見之焚香誦經以迎其福坐致天祿得爲神仙遊宴飛升自然得道雲如弁士者五福在北也雲如飛龍者太一在東也雲如舟魚者太一在南也雲如旗常者太一在西也雲如繖蓋者太一在中也雲如遊女者太一在東北也雲如火炬者太一在東南也雲如邱隴者太一在西南也雲如戈矛介士者太一在西也雲如輅車者太一在西北也上學之士不以道俗望雲燒香誦經十過太一降九宮騎吏護國安人福慶普賴皆卽受度長生神仙太一眞君護國帝王保安人民有知太一總臨萬天近居一身則億曾萬祖幽魂苦爽

皆悉受度上升朱宮格皆九年受化更生得爲貴人身自受誦
心識意解則延壽長年後皆得作尸解之道魂神暫滅不經地
獄卽得返形遊行太空此經微妙普度無窮太一神變天人受
度無量之福生死蒙惠上天所寶不傳下世至士齋金寶效心
盟天而傳輕泄漏慢殃及九祖長役鬼官侍經五帝玉童玉女
各二十四人營衛神文保護受經者身

道言正月長齋誦詠是經迎上元太一眞君從官將吏九宮大
神爲上世亡魂斷地逮役兵刑殞命度上南宮七月長齋誦詠
是經迎中元太一眞君從官將吏九宮大神消兵卻敵佐輔帝
王福及人民身得神仙諸天書名黃籙白簡削死上生十月長

道藏輯要

度人妙經

六

角集二

卷之二

齋誦詠是經迎下元太一眞君從官將吏九宮大神爲國王帝
主禳解五兵甯鎮八方盜賊喪形姦宄不生君臣父子安鎮國
祚保天長存世世不絕常爲人君安鎮其方人樂太平八節之
日誦詠是經奉迎五福太一眞君入居中宮得爲九宮眞人本
命之日誦詠是經迎三元太一眞君入居命局降福兆身魂神
澄正萬氣長存不經苦惱身有光明三界侍衛五帝司迎萬神
朝禮名書上天功滿德就飛升上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外葢冥儼見十方太一各乘本宮布氣天內

有青龍白虎朱雀玄武獅子白鶴羅列左右日月照明洞煥
室內項生圓象光映十方如此分明密呪曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啓所言今
日吉慶長齋清堂修行至經无量度人願所啓上徹徑御

无上三十二天元始上帝至尊几前

畢

引炁三十二過東向誦經

道藏輯要

度人妙經

七

角集二

一八二

元始无量度人上品妙經

元始洞玄靈寶本章太一神變五福度人三元隱韻離合自然
混黃窈茫無門無傍朗朗太空道氣無方八十一劫遶廓無光
混沌胞胎不從陰陽忽生至神強名太一乘駕黃龍手把天綱
狀玉嬰兒丹錦綠裳回旋左右真正八鄉萬靈伏從莫有敢當
太一大神是爲天根時遊玉清上聖之身泥丸九宮下生萬天
及以人民各有知識分別種倫分形萬物居人腦宮是爲明覺
一真大神上居太微中安福庭下此九宮爲帝之賓太一生誕
元始同真上無復祖惟道爲身一旣植立天地乃凝無一不光
無一不明無一不立無一不成無一不度無一不生是爲大梵

道藏輯要

度人妙經

八

角集二
x461

天中之天太一真形遊步玉京上極無上大羅玉清眇眇劫仞
若亡若存乘道之精三元布宮以九爲程太一御之垂福弭兵
與道同遷元始俱生動靜消息進退晦明前有金闕後有玉房
東淨西靈太一經行支演梵炁周迴十方中有三元九圖之神
中有玉局行算之君中有易度遷室之神中有揚旗望歲赤幘
直符丈人中有太一前驅後部八殺五福六氣九虛尊神迴骸
起死无量度人今日校錄諸天臨軒

東方无極三元九宮太一真皇長生大聖无量度人
南方无極三元九宮太一真皇長生大聖无量度人
西方无極三元九宮太一真皇長生大聖无量度人

北方无極三元九宮太一眞皇長生大聖无量度人
東北无極三元九宮太一眞皇長生大聖无量度人
東南无極三元九宮太一眞皇長生大聖无量度人
西南无極三元九宮太一眞皇長生大聖无量度人
西北无極三元九宮太一眞皇長生大聖无量度人
上方无極三元九宮太一眞皇長生大聖无量度人
下方无極三元九宮太一眞皇長生大聖无量度人

十方至眞太一眞皇長生度世无量大神並乘碧霞紫白交雲
流光照空丹轂綠輿蚪輪鳳輶羽袞朱紱陰映搖曳驂駕九色
巨天神獸玉宸纁歛之龍建青髦之節七曜洞神靈幡前嘯九

道藏輯要

度人妙經

九

角集二

×××

歌齊唱後吹八音同鳴天馬辟邪鼓舞躑躅鸞鶴鴻鸞嘯集
嚕六甲啓途玉女扶轅億乘萬騎浮空而來傾光回駕御運度
生太一直符三元九宮布策推局招搖大神天目飛鳥揆氣推
時下臨方外福禍應期執錄把籍齊到帝前隨所應度嚴校諸
天普告三界九維八極二十八分所臨邦國兵饑水旱暴卒癘
疫祥瑞福應君壽道德合符下上剋制所經三官九府十二河
源陰陽氣局內外一千二百度運天界人域主治福禍下逮生
民祖考億劫種親福會所臨太一降氣幽爽蒙度冥泉發光疾
除罪簿落滅惡根不得拘留逼合鬼羣太一符命時刻升遷迎
氣修誦升壇叩靈以祈福應雖值災宮所臨之國至信祈禳則

三官鳴軫太一回轅災變爲福享國太平帝壽億年世人命歷
所加當爲災害依法祈請天光映身及世長生太一紫宮福及
天人至有滅化在貴福之分則北都寒池部衛形魂制魔保舉
度品南宮死魂受鍊仙化成人身身受度劫劫長存隨圖輪轉
御代直年有知其神身爲仙真永度三災四殺五鬼六害七傷
八難九厄超凌三界逍遙上清上清之天天帝玉真無色之境
梵行

東方八天

太一所行九宮三十二天九色之氣隨宮灌之三十二天亦
九宮之分太一所臨制也學者存思服天氣避害迎福真氣

道藏輯要

度人妙經

十

角集二

下降太一來應可致神仙有天下者依爲福之天以祈請奏
告神機立應

羽真洞無天

帝善契淵空

元渚流祺天

帝降流明蟄

紫度九宮天

帝華定膺

太玄步氣天

帝覺除溢生

玉籍儲福天

帝洞浮左嚴

至元增妙天

帝律用偵侯

和陽寶圖天

帝覺錫自逾

想明昭韞天

帝了杳忘都

南方八天

赤殃飛遊天

帝勃監祁簷

震寂曜靈天

帝論堂地元

澤瀋子討天

帝龍菩大羅

鋪化曜離天

帝奕敷權

落玄遊氣天

帝上景祠連

質羅梵庖天

帝保昌延

明丞滋狂天

帝朱液夜捐

孟論謹正天

帝平堂淵

西方八天

道藏輯要

度人妙經

上

角集二

道義沖真天

帝鬱籃僊

覺無真理天

帝辨邱夷默

道謀重望幾天

帝龍曜弗尼

河都基貳天

帝漸子疇

九道或微天

帝祿旗通

誠除盈真天

帝會家無

僊首理混天

帝翹羅鼎光

福會域遐天

帝毗遵祺玄

北方八天

玄墟撩幽天

帝彭羅孫

了止極庸天

帝妙陀輪

無極景明天

帝龍首部玄

極真洞無天

帝超定利元

普拯神牛天

帝斗真義玄

密宿樞微天

帝耀真明

鬼室柳懸天

帝蔚頭祺翩

兆宗永平天

帝窈玄滋僊

三十二天三十二帝諸天隱諱諸天隱名太一空洞自然靈章
太一隱韻太一神音太一之尊太一之神太一之真太一之諱
太一之靈九宮十方變化上清无量之奧深不可詳敷落神真

道藏輯要

度人妙經

三

角集二
川文川

運臨天人今日欣慶推測歷布諸關返凶成吉斬絕世根出死
人生面禮玉君飛度七政回旋太玄歲直奉書請制天門東斗
左扶西斗右攜北斗正樞南斗轉機中斗天蓋太一內行青帝
執符白帝持兵赤帝行令黑帝攝精黃帝統運萬里前征青天
直使仗鉞揚麾赤天直使太一回旗白天直使干城積屍黑天
直使奉衛咸池黃天直使五福大岐五天直使太一爲宗總領
丁甲啖魔飲風玄燾嘯幟與兵齊攻羌道小醜敢肆驕庸斗標
轉式玉圖改封萬福合帝利勝無凶天騶在前飛騎浮空八道
擲火四天檢蹤護國佐時太一神公首建日月手把金鍾身御
黃甲駕十飛龍所向無前風火迭衝五福來下紫煙蔚矇仙雲

覆闕三元攝從兵殺不祥悉付北酆故氣魍魎乘氣藏容陰與
災會民病殘癰不得容隱金馬驛通普告無窮萬神咸聽三界
五帝列言上清

无極至空龍變神移太一道祖萬生所資天地輔成中運妙微
太一受靈日月同飛眇眇億劫混沌之中神靜氣凝布植九宮
九宮爲一一爲九宮九一之道太一之宗數行去還真氣如龍
太一來御三元律同包裹動植玉都玲瓏外纏剛風混沌之中
上無爲色下無爲空太一執綏儼侍玉童一鼓再鼓爲水爲風
一接再接天基指東爲道聰明庶彙熙融太一入玄九氣開天
天上天下無幽無冥無形無影無極無窮溟滓大梵遼廓無光
道藏輯要

度人妙經

三

角集二

太一神變運度自然丹艘九野布基紀年太一神氣結爲靈篇
玄識玉歷虎書龍文保制劫運使天長存梵氣彌羅萬範開張
圓機流演三十二天輪轉九宮周迴十方旋子過申回度八門
二十八舍總氣上元八景冥合氣入玄玄玄中太一上帝高尊
泛斗倚魁天皇勾陳九宮十精玉緯金經神風隨軒輔翼萬仙
千和萬合天地同鈞一真大神太一之尊上登泰階啓謁大君
羽林導前叩鼓鳴鐸遏斬鬼種保命生根上遊上清出入三元
八冥之內細微之中下鎮人身泥丸絳宮中理五氣運行萬神
十轉迴靈萬氣齊仙仙道貴生太一度人上開八門天地爲輪
罪福禁戒宿命因緣普受開度死道生身身得受生上運諸天

諸天之上各有生門中有空洞謠歌之章太一靈篇辭參高真

第一下元九宮太一真君飛空之音

朝乘黃騅

入登太微

下視九州

綦布星離

仰觀端門

上帝惟禧

斗車四馳兮綠煙飛

金鉞寒光兮天弧垂

丹符赫陽兮五福迴

萬兵無敵兮天德歸

神武化昭兮歲無凶饑

帝迴光輝兮玉袞龍衣

太一臨明堂兮祥滿郊畿

阿人排紫空兮傾光彤闥

第二中元九宮太一真君之章

我推天策

福在帝室

萬國歸命

道藏輯要

度人妙經

古

角集二

車文混一

昭昭大星

奕奕紫光

中纏紫宸

下臨玉房

爾神毛頭

爾兵阿傍

太一合符

乘魁履剛

飢馬綠芻

脂車拯箱

不陣而功

太一奠方

金童仗旂

玉女捧漿

卜墀酌誠

五福湯湯

壽我帝尊

來天百祥

民人樂歌

時維平康

雲飛碧茫

珠露玄霜

瑞苔普天

我道其昌

第三上元九宮太一真君之歌

我乘修蛇

冠帶雲霞

入經天衢

出遊帝家

龍旗所指

萬物光華

太一之氣

喜盈福奢

臨衛帝堂

靈耀斯煌

誦我玉書

五帝燔香

三界稽首

西母傳觴

鳳圖億千

龍壽無疆

我征青輶

八風來朝

望拜太一

錦衣翠袍

壇雲四迴

拊石鳴雷

薦我甘華

黃纓百枚

天聲杳迢

振響琳琅

左顧紫微

右扶玉璫

轉我斗樞

萬寶盈倉

道藏輯要

度人妙經

五

角集二
川人

降福洋洋

含宮咀商

此三元之上九宮之中太一歌音音參洞章誦之百徧可免三災誦之千徧太一保迎萬徧道備隱淪太空知一所止位登仙翁有聞靈音魔鬼滅形勅制地祇侍衛送迎拔出地戶五苦八難身世利遷永離三官名籍太一列侍帝軒是謂無量普度無窮有祕上天文諸天共所崇泄慢墮地獄禍及七祖翁道言此洞章並是諸天上帝及三元九宮十神八奇六隱五真四門二曜一元太一隱祕之音皆是玉局迴度轉凶爲吉改禍致福之辭言無韻麗曲無華宛故謂玄奧難可尋詳上天所寶祕於玄都太一三元紫宮依玄科四萬劫一傳若有至人齋金

寶質心依舊格告盟十天然後而付焉

道言夫天地運度將臨否終則太一真君神變以應之則爲神
馬肉鬣一角赤色出汲於海中日月五星將有虧盈則太一真
君神變以應之則爲女巫負瑟以遊唐肆至聖神人將有休否
則太一真君神變以應之則爲黑氣橫貫東西繁霜著木大風
摧拉飄注驚暴以應之末學之夫將有疾傷則太一真君神變
以應之夢爲血尸死亡兵殺疾雷墮崖落河以應之凡有此災
候其神變同氣皆當齊心修齋六時行道十徧轉經福德立降
或遇太一下遊迎逢禮請必得長生神仙祕道隨時所遇善意
察之勿逆其神則保大亨之正無量之文普度無窮

道藏輯要

度人妙經

六

角集二
卷之四

道言夫末學道淺或仙品未充運應滅度身經太陰臨過之時
太一主尸真君下而應之以示神變或爲白鶴飛來龜蛇並出
或疾風忽至天地晦冥禽獸悲鳴白虹貫日山林改色仙夢殊
徵則太一守尸三官錄魂九老攝氣一周甲子返生還形同學
至人爲其行香誦經十過以度尸形如法魂神逕上南宮隨其
學功計日而得更生轉輪不惑使得神仙

道言夫天地運終亦當修齋行香誦經星宿錯度日月失昏亦
當修齋行香誦經四時失度陰陽不調亦當修齋行香誦經夷
戎寇境軍事暴行亦當修齋行香誦經疫毒流行兆民死傷亦
當修齋行香誦經師友命過亦當修齋行香誦經夫齋戒誦經

功德甚重上消天災保鎮帝王下禳毒害以度兆民生死受賴其福難勝故曰无量普度天人

道言凡有是經能知太一神變護國禳兵之道能為天地帝主兆民行是功德有災之日發心修齋燒香誦經十過皆諸天記名萬神侍衛右別至人剋得為聖君金闕之臣諸天記人功過毫分無失天中九宮大神亦保舉爾身得道者乃當洞明至言也

諸天中大梵隱語无量音

太一神變護國禳兵玉篇

東方七天

道藏輯要

度人妙經

七

角集二

川三三

吉洛慶持

迷漏乙施

漳陀蹇江

並庚殊離

乾曦蔚宛

紫勅由幾

贊華穴利

黎糾淵宜

越亶回多

韓司冥河

洞寂玄若

綠景曜羅

池盟演樞

支竟幽歌

南方七天

尾丹曰途

館丁彥盧

帝契浩都

綿多英瑜

颿盈沖游

微氣白孤

道散上京

嶽嶽察甦

昌陽健區

堯晃光舒

音定法輔

天琳紅腴

治無攝緒

九真嘯圖

西方七天

蘭溍役商

胥池希陽

散率鬼都

荀候勅符

浪澤寒渚

斗司高蘇

正辨夷直

僊遠煙濡

卦說琅璇

奇洞輔皇

邈初景章

鬼泉馘藏

銜娘適漠

合神郁蒼

北方七天

魚錄海定

扶騫彌華

安膚祆玄

智洪僊霞

混元逸隸

光通濛嘉

道藏輯要

度人妙經

六

角集二
川〇、八

珪召神竦

書羅芒搖

黑獸顓元

赤馳龍表

壽鏡寶除

支方謨宣

覺益華雲

神瑛奏環

道言太一神變氣行二十八天天氣布流九宮此諸天九宮中
大梵隱語无量之言舊文刻書大微鳳館青壁之上字皆廣長
一丈天真皇人昔書其文以爲正音有知其音能齋而誦之者
天皆遣飛天神王下觀其身書其功勤上奏諸天萬神朝禮
地祇侍門大勳三元保舉太一道備刻得遊行三界升入金門
此音無所不辟無所不禳無所不度無所不成太一天真自然
之音也故誦之致飛天下觀太一遙應萬神朝禮三界侍軒羣

祇束首鬼精自亡琳瑯振響十方肅清天輪高映萬象慈明海
光湛徹獄穴凝煙萬國振伏稽顙帝前兵道自勝神更自然冥
慧洞清大量玄玄也

道藏輯要

度人妙經

元

角集二
上十又